



Christopherus à teneris annis bonis literis o-
peram dedit, atq; artium & linguarum funda-
menta feliciter iecit. Inde sese hinc inde ad Acade-
mias contulit, & legum studio magna diligentia in-
cubuit, ita ut omnium consensu Iuris Licentiatus
crearetur. Verùm is hisce contemplationibus non
contentus, sed etiam praxim adiecit, atq; in princi-
pum foro sese aliquandiu magna laude exercuit. e-
rat enim rara prudentia & singulari eloquentia præ-
ditus. Id cum prudens elector Moguntinus cogno-
uisset, eum liberali stipendio oblato ad se uocauit,
atq; suum Cancellarium (quem uocant) constituit.
Eam functionem Christopherus magna animi mo-
deratione suscepit, atq; res sibi commissas singulari dexteritate perfecit. Ut e-
tiam id cōmodius præstaret, uitam coelibem peregit, atq; omni mala suspicio-
ne uacans, honestè inter suos uixit. Est etiam Christopherus humanitate & er-
ga omnes, præsertim literarum cultores, beneuolentiâ conspicuus. Itaq; mihi,
cum Aschenburgum uenissem, & principi opus secūdem de Viris illustribus
dedicatum offerre statuissem, statim benignè adfuit, laborem approbauit, &
ad principem aditū parauit, cui meus conatus erat gratissimus. Vnde optan-
dū, ut huiusmodi literis & uirtutibus præclari uiri passim principibus adsint,
atq; eorum consilia moderentur. Anon.